



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ ԵՎ

ԿՈՌՈՒՊՑԻԱՅԻ ԴԵՄ ՊԱՅՔԱՐԻ ՈԼՈՐՏՈՒՄ ԳՈՐԾՈՒՆԵՈՒԹՅՈՒՆ ԾԱՎԱԼՈՂ
ՔԱՂԱՔԱՑԻԱԿԱՆ ՀԱՍԱՐԱԿՈՒԹՅԱՆ ԿԱԶՄԱԿԵՐՊՈՒԹՅՈՒՆՆԵՐԻ ՄԻՋԵՎ

ԱԶԴԱՐԱՐՄԱՆ ՎԵՐԱՔԵՐՅԱԼ 2023-2024 ԹՎԱԿԱՆՆԵՐԻ ՀԱՂՈՐԴԱԿՑՈՒԹՅԱՆ
ԳՈՐԾՈՂՈՒԹՅՈՒՆՆԵՐԻ ԾՐԱԳՐՈՎ ՆԱԽԱՏԵՍՎԱԾ ՄԻՋՈՑԱՌՈՒՄՆԵՐԻ
ԻՐԱԿԱՆԱՑՄԱՆ ՄԱՍԻՆ

Հայաստանի Հանրապետության արդարադատության նախարարությունը՝ մի կողմից և կոռուպցիայի դեմ պայքարի ոլորտում գործունեություն ծավալող քաղաքացիական հասարակության կազմակերպությունները՝ մյուս կողմից, այսուհետ միասին՝ Կողմեր,

Հիմք ընդունելով Կոռուպցիայի դեմ պայքարի շրջանակում «Ազդարարման համակարգի վերաբերյալ 2023-2024 թվականների հաղորդակցման գործողությունների համապետական իրազեկման ծրագիրը»,

Հաշվի առնելով Ազդարարման համակարգի և կոռուպցիայի դեմ պայքարի ոլորտներում փորձառություն ունեցող ոլորտային քաղաքացիական հասարակության կազմակերպությունների բարձր պատրաստվածությունն ու հանձնառությունը,

Բարձր գնահատելով ազդարարման համակարգի վերաբերյալ իրազեկվածության բարձրացման ոլորտում պետական մարմինների և քաղաքացիական հասարակության մասնագիտական կառույցների ջանքերի համախմբման անհրաժեշտությունը,

Նպատակ հետապնդելով բարձրացնել ազդարարման համակարգի վերաբերյալ իրազեկվածության մակարդակը հասարակության շրջանում,

Առաջնորդվելով փոխադարձության սկզբունքով միմյանց հետ համագործակցելու Կողմերի ընդհանուր ցանկությամբ՝

Համաձայնեցին հետևյալի մասին.

ՀՈՂՎԱԾ 1



Նպատակը

Սույն Հուշագիրը նպատակ է հետապնդում արդյունավետորեն իրականացնել «Ազդարարման համակարգի վերաբերյալ 2023-2024 թվականների հաղորդակցման գործողությունների ծրագրի» բաղադրիչներով նախատեսված գործողությունները՝ բարձրացնելով իրազեկվածության մակարդակը հասարակության շրջանում, խթանելով բարեխիղճ ազդարարումը, ներկայացնելով ազդարարի՝ որպես ազնիվ և օրինապաշտ քաղաքացու կերպարի կարևորությունը և ապահովելով ազդարարման համակարգի գործունեության արդյունավետությունը:

ՀՈՂՎԱԾ 2

Համագործակցության շրջանակը

Կողմերը համաձայնում են համագործակցել Հոդված 1-ում ամրագրված նպատակների իրագործման համար՝ ներառյալ, սակայն չսահմանափակվելով հետևյալ ոլորտներով.

ա. ազդարարման ինստիտուտի և ազդարարման համակարգի վերաբերյալ ուղեցույցների և տեղեկատվական մատչելի նյութերի մշակում,

բ. ազդարարման համակարգի վերաբերյալ մասնագիտական քննարկումների իրականացում,

գ. ազդարարման համակարգի վերաբերյալ մասնագիտական և իրազեկման միջոցառումների կազմակերպում Երևանում և ՀՀ մարզերում,

դ. ազդարարման համակարգի վերաբերյալ կրթական ոլորտի համար իրազեկման միջոցառումների կազմակերպում,

ե. ազդարարման համակարգի վերաբերյալ տեղեկատվական տեսահոլովակների, ձգապաստառների, տեղեկատվական վահանակ-մոնիտորների, գրքույկների և մուլտիմեդիա այլ նյութերի պատրաստում,

զ. սոցիալական կայքերում ազդարարման համակարգի վերաբերյալ մատչելի տեղեկատվության տարածում,

է՝ ազդարարման համակարգի վերաբերյալ տեսանելիության այլ տարրերի պատրաստում և տարածում:

ՀՈԴՎԱԾ 3

Կողմերի հաղորդակցությունը

Սույն Հուշագրի շրջանակում Կողմերի հաղորդակցությունն իրականացվում է նախապես փոխանակված էլեկտրոնային փոստի, ինչպես նաև Կողմերի համար ընդունելի ցանկացած այլ միջոցով:

Սույն Հուշագրի կատարման ընթացքում Կողմերը կարող են նշանակել կոնտակտային անձինք, ովքեր պատասխանատու կլինեն ընթացիկ հաղորդակցության ապահովման համար:

ՀՈԴՎԱԾ 4

Վեճերի լուծման կարգը

Վեճերն ու տարաձայնությունները կողմերի միջև կարգավորվում են երկկողմ բանակցությունների և խորհրդակցությունների միջոցով:

ՀՈԴՎԱԾ 5

Ուժի մեջ մտնելը, դադարելը և փոփոխություններ կատարելը

Սույն Հուշագիրն ուժի մեջ է մտնում ստորագրման պահից և գործում է մինչև Գործողությունների ծրագրով նախատեսված միջոցառումների կատարումն ապահովելը:

Կողմերի համաձայնությամբ սույն հուշագրում փոփոխությունները և լրացումները կատարվում են գրավոր՝ դրան կից արձանագրությունների ձևով, որոնք կազմում են դրա անբաժանելի մասը և ուժի մեջ են մտնում սույն հոդվածի դրույթներին համապատասխան:

Սույն Հուշագիրը կարող է լուծվել կողմերից որևէ մեկի պահանջով կամ Կողմերի փոխադարձ համաձայնությամբ:


Յուրաքանչյուր Կողմ իրավունք ունի դադարեցնելու Հուշագրի գործողությունը՝ դադարեցման ժամկետից առնվազն 30 օր առաջ գրավոր ծանուցելով մյուս Կողմերին:

Հուշագիրը ստորագրվել է Երևանում՝ 2023 թվականի նոյեմբերի 29-ին՝ 8 բնօրինակով:



**Հայաստանի Հանրապետության
արդարադատության նախարար**

Գրիգոր Մինասյան



**«Իրավաբանների հայկական
ասոցիացիա» ՀԿ**

Արտակ Սարիբեկյան



**«Բոլորը հանուն հավասար
իրավունքների» հիմնադրամ**

Ալեքսանդր Մարտիրոսյան




**«Հաշմանդամություն ունեցող անձանց
իրավունքների օրակարգ» ՀԿ**

Մուշեղ Հովսեփյան




**«ՀԿ Կենտրոն» քաղաքացիական
հասարակության զարգացման ՀԿ**

Արփինե Հակոբյան



**«Հանուն հավասար իրավունքների»
կրթական կենտրոն ՀԿ**


Գայանե Աբրահամյան



«Ռեստարտ Իջևան»

գիտակրթական ՀԿ

Մելինե Գևորգյան



**«Ռեստարտ Գյումրի» երիտասարդական
քաղաքացիական կենտրոն ՀԿ**

Գևորգ Ղուկասյան

